



Polyanthea Sacra

Ex Universæ Sacræ Scripturæ Utriusque Testamenti Figuris, Symbolis, Testimoniis, Nec Non E Selectis Patrum, Aliorumque Authorum, Sententiis, eruditis Interpretationibus, Similitudinibus, rarisque Historiis collecta, Et Copiosis, Exquisitisque Materiis Moralibus De Virtutibus Et Vitiis Pro ...

Spanner, Andreas

Augustae Vindelicorum, 1702

§. 1. De bonis, & malis, in genere.

[urn:nbn:de:hbz:466:1-79340](https://nbn-resolving.org/urn:nbn:de:hbz:466:1-79340)

Redi per considerationem ad cor tuum, quisquis es, qui sapientiam, & prudentiam, cupis adipisci. Discute assidue teipsum; considera, unde venis? quò vadis? quomodo vivis? quantum quotidie proficis? quantum deficiis? Sanct. Laurentius Justin. de prudentia cap. 6. Lign. vit.

Habet judex iste in manu stateram, in qua perpendit inter duo pondera, unum meriti, & unum peccati. Prævide te homo: senti pondus tuum, antequam veniens ille in sua statera te suspendat. Considera statum tuum, & esto tibi ipse statera. Vide, quid plus est in opere tuo, aut quæ pars in actibus tuis exuberat? sinistra? an dextera? Sanct. Laurentius Novariensis.

Prudentis est, officium, examinare cordis desideria; examinare verba, examinare consilia, examinare opera; ut sic sapienter fiant omnia. Sanct. Bonaventura f. 17. de Sanct. Stephano.

Utor hac potestate, & quotidie apud me causam dico. Cum sublatum è conspectu lumen est, & contigit uxor, moris mei jam conscia; totum diem meum scrutor; facta, ac dicta, mea rememor. Nihil mihi ipse abscondo, nihil transeo. Quare enim ex erroribus meis timeam, cum possim dicere: vide, nè istud amplius facias; nunc tibi ignosco, Seneca l. 3. de ira cap. 36.

In Chinesium libris sigillatim commendatur continuum suspensum, actionumque suarum; ac præcipue earum, quæ in aliorum oculos non incurrunt, examen. Eam ob causam magni faciunt secessum ad villas, & loca solitaria. Quod nonnulli faciunt, ut diligentius vacent contemplationi luminis naturalis, & se ipsi reformant, revocando se ad pristinum statum; in quo, ut ipsi loquuntur, de cælo conditi sunt. Ex Hieris P. Nicolai Longobardi Ao. 1798. ex China.

§. III.

Conscientia Examen particulare.

Quid faciemus, ut salvemur? aggrediamur virtutem, cum tempus habemus: distribuamus virtutes nobis, sicut sibi distribuunt agriculturam agricolæ. In hoc mense vincamus detractiones, injurias, iracundiam, insultum, & dicamus: hodie ab hoc nos vitio corrigamus; in illo autem mense patientiam doceamus; & in alio aliam virtutem. Et cum hanc virtutem in habitu perceperimus, ad aliam transeamus. S. Chrysol. hom. 24. in ep. ad Hebr.

Dicebat Abb. Serapion: Unusquisque vitium, quò maxime infestatur, explorans, adversus illud arripit principale certamen; omnem curam mentis, ac sollicitudinem, erga illius impugnationem, observationemque, defigens; adversus illud quotidiana jejuniorum dirigens jacula; contra illud cunctis momentis cordis suspiria, crebraque gemituum tela, contorquens; adversus illud vigiliarum labores ac meditationes sui cordis, impendens; & impugnationis suæ extinctionem ab illa specialiter, ac jugiter poscens. Cassianus. Collat. 5. c. 14.

Tritum est exemplum Senis in vitis Patrum: cui cum quidam quereretur, se vitis oppletum, ac proinde de eorum extirpatione desperare; jussit ille, ut secum hortum quandam carduis, sentibusque oblitum, expurgaret. Quotidie igitur operi manum admovendo sensim omnes extirparunt, hortumque plenè intra paucos dies expurgarunt. Tum senex ad juvenem: fac, inquit, o fili similiter in agro animæ tuæ: quotidie aliquod vitium extirpa, idque constanter urge, & continua: ita sensim omnia evelles, & animum primævo nitore restitues. Cornelius in Prov. 24.

TITULUS XI. EXEMPLUM.

§. I.

De bonis, & malis in genere.

Quales erant virgæ, quas Jacob. Gen. 30. 39. In aquis ostendit; tales illæ concipiebant foetus: quia subditi sequuntur exempla majorum sive bona, sive mala. Stella p. 1. c. 25.

Præcedente columnâ Israel procedebat; sed quando stabat quieta, populus quoque quiescebat. Ex. 33. 10.

Compelle intrare. Luc. 14. 23. Cogis exemplo facti tui: facta enim Superiorum non tam invitant, quam cogunt, subditos ad imitationem. Cajetanus.

Ut hirundines veris, flores fructuum, nuntij sunt: sic de hero moribus ex ancillis judicari potest. S. Gregorius Naz. advers. mul. ambitiosius se ornantes.

§. II.

Exempla bona.

Num. I.

*Figura, Symbola, & Similitudines.**Ex Veteri.*

Fecitq. Deus duo luminaria magna. Gen. 1. 16. Cur Luna ponitur inter luminaria magna? cum omnium, excepto Mercurio, minima sit? Nimirum vulgi æstimatione: oculorum enim judicio ob propinquitatem, maxima omnium post solem videtur. Sic non vulgi tantum, sed Dei etiam, judicio illa virtus plura habetur, quæ lucet coram hominibus; qui videntes opera nostra glorificant Patrem nostrum. Bernardus hic. sect. 6.

Quem-